



Broj
77

septembar 2016. • List RMU "BANOVICI"
BESPLATAN PRIMJERAK

RUDAR

**POTPISAN GRANSKI
KOLEKTIVNI UGOVOR IZ OBLASTI RUDARSTVA**

**ZAVRŠNI PREGOVORI O FINANSIRANJU
PROJEKTA TERMoeLEKTRANE**

**SVEČANO OBILJEŽENA 21. GODIŠNJICA
OPĆINE BANOVICI**



PROIZVODNJA UGLJA I OTKRIVKE

STABILIZACIJA STANJA NA POGONIMA, OČEKUJU SE MJESEČNI PREBAČAJI

Nakon otežanog perioda proizvodnje uglja, zastoja na separaciji, te premještanja širokog mehanizovanog čela u ranijim mjesecima proizvodilo se znatno ispod planiranih veličina. Nakon junske – julske 78% ostvarene proizvodnje u mjesecu avgustu plan je ispunjen sa 90,45%, dok mjesec septembar bilježi stabilizaciju i najavljuje prebačaje do kraja godine.

Avgustovska proizvodnja iznosila je 124.499,3 tona separisanog uglja, dok je planom bilo predviđeno proizvesti 137.640 tona, a tokom 25 dana mjeseca septembra zabilježen je prebačaj, odnosno proizvedeno je 121.787,1 tona separisanog uglja.

Ono što je iznimno važno su prebačaji planiranih veličina tokom cijele godine na proizvodnji otkrivke. Mjesec avgust završen je sa 950.515 metara kubnih otkrivke, dok je tokom septembra plan na otkrivci prebačen za 31%.

111% realizovane otkrivke na kumulativnom nivou garant je da će u narednom periodu uglja biti dovoljno kako za stalne potrošače tako i za one koji će u vrijeme povećane potražnje iskazati potrebu za banovičkim ugljem.

Sumiranjem dosadašnjih rezultata može se konstatovati da je Rudnik prevazišao kritičan period i da spremno može krenuti u ostvarenje zacrtanih godišnjih planova proizvodnje uglja za koju već ima osigurano tržište.

RUDNIK „POVRŠINSKA EKSPLOATACIJA UGLJA“

Tokom prethodnog perioda 2016. godine rudnik „Površinska eksploatacija uglja“ ispunjavao je zadate ciljeve na proizvodnji uglja i otkrivke. Povoljni vremenski uslovi i relativno dobra ispravnost pomoćne mehanizacije rezultirali su neometan proces proizvodnje.

U razgovoru sa upravnikom pogona pored dosadašnjih rezultata dotakli smo se i planova na proizvodnji uglja do kraja godine. Mišljenja je da ne bi trebalo biti većih problema, te da će se proizvodnja nastaviti istim tempom. Na proizvodnju otkrivke mogu uticati nepovoljni vremenski uslovi koji se javljaju skoro svake godine, a to su problemi na koje se realno ne može uticati.

Radnici ovog pogona zpočeli su opravku bagera Terexa 2 zbog pojave kvara koji bi se relativno brzo trebao sanirati u ovisnosti od vremena isporuke potrebnog dijela. Takođe, velika opravka radit će se i na bageru Marionu 201 kada se steknu odgovarajući uslovi koji se neće odraziti na ispunjenje plana proizvodnje. Rukovodstvo pogona razmatra sve potrebne metode i sisteme kako bi se izbjegli eventualni problemi.

Trenutno se proizvodnja uglja bez problema aktivno vrši na oba površinska kopa, a kvaliteta i toplotna vrijednost ostvaruje predviđene parametre.

Dobro planiranje i organizovanost donijeli su dobre rezultate tokom proteklih devet mjeseci, a kako kažu ni u nastavku se ništa neće prepustiti slučaju.

RUDNIK „PODZEMNA EKSPLOATACIJA UGLJA“

Za radnike pogona „Podzemna eksploatacija uglja“ ovog ljeta nije bilo odmora, radilo se punom parom na pripremanju novih otkopnih polja, odnosno stvaranju povoljnih uslova za maksimalan učinak u narednom periodu, obzirom da se premještanje širokog mehanizovanog čela odrazilo na cjelokupno poslovanje Rudnika. Kopovi su bili dodatno opterećeni a poslovi u jami zahtjevali dobru organizaciju i angažovanost.

Sa prvim danom avgusta završeno je premještanje širokog mehanizovanog čela u otkopno polje Z3/3 u kojem je i zvanično započeto otkopavanje. Rudari ovog pogona poslove na premještanju završili su prije zadatog roka bez ijedne teže povrede.

Na početku godine u jami je došlo do privremenog zastoja zbog istrošenosti pojedinih transportnih sredstava i nestabilnosti sistema transporta uglja do bunkera, što je ugrožavalo uvjete rada i rezultiralo manjom mjesečnom proizvodnjom uglja. Međutim, stabilizacijom linije transporta i početkom mehanizovanog otkopavanja očekuje se ostvarenje planirane dnevne proizvodnje od 2.000 tona uglja.

Za naredni period rukovodilac pogona najavio je nabavku jednog kombajna za mehanizovanu izradu jamskih prostorija, četiri grabuljasta i dva trakasta transporter, što bi po njegovoj procjeni zahtjevalo i veći broj radnika. Nova mehanizacija će u velikoj mjeri ubrzati pripremne radove, te pomoći boljoj usklađenosti sa radovima na mehanizovanom otkopavanju.

ORGANIZACIONA JEDINICA „SEPARACIJA“

Pogon od kojeg se u ovom periodu možda i najviše očekuje po svemu sudeći ispunit će svoje zadatke. Na Separaciji se od polovine godine aktivno radi na remontima postrojenja i pripremi za nadolazeći period povećane potražnje uglja. Već je poznato da godinama unazad od septembra pa sve do kraja godine Separacija radi intenzivno i da je potrebna stopostotna ispravnost tehničko – tehnoloških kapaciteta kako bi se odgovorilo zadatim ciljevima. Zbog toga je bilo neophodno izvršiti zadnje pripreme i otkloniti eventualne uzročnike problema.

Da se mnogo radilo i na početku godine dokaz je petomjesečni prebačaj na proizvodnji uglja.


Stvoren je višak otpremljenog uglja u odnosu na plan proizvodnje u količini od 10.597,6 tona čime je plan prebačen za 1,69 %.

Nakon zabilježenih prebačaja uslijedili su mjeseci manje potražnje za ugljem. Period juni – avgust pokazao se idealan za sanaciju kolske vage, dvoetažnog sita za suho odsijavanje, komore mašine taložnice, centrifugalne pumpe, zamjenu elevatora jalovine i dijelova dotrajalih cjevovoda. Održavanje i popravke još nisu završene, svele su se na nivo nesmetanog odvijanja proizvodnje. Još uvijek traje proces čišćenja taložnih bazena koji bi trebao biti završen do mjeseca oktobra.

Cilj svih aktivnosti bio je što spremnije dočekati period jesen – zima, što se dobrim dijelom i ostvarilo. Međutim, najbolji pokazatelji biće ostvareni i zaokruženi rezultati na kraju godine

TERMOELEKTRANA BANOVIĆI

ZAVRŠNA FAZA PREGOVORA ZA FINANSIRANJE NAJVEĆEG STRATEŠKOG PROJEKTA



Razgovori o finansiranju projekta izgradnje Termoelektrane u Banovićima privode se kraju. Pregovori se vode o finansiranju 85% vrijednosti EPC ugovora sa Kineskom razvojnom bankom (Industrial and Commercial Bank), a za ostatak vrijednosti, odnosno 15% traži se rješenje sa Konzorcijem domaćih banaka na čelu sa UniCredit bankom.

Zvanično potpisivanje Ugovora o finansiranju realno je očekivati tokom mjeseca novembra, kao i Ugovora o strateškom partnerstvu, što bi ujedno značilo i nesmetano stupanje na snagu EPC ugovora potpisanog u novembru prošle godine.

Stupanjem na snagu EPC ugovora banovićani mogu početi odbrojavati vrijeme do proizvodnje prvog kilovata struje iz banovičke Termoelektrane. Strateškom partneru preostaje 40 mjeseci da izgradi Termoelektranu, uključujući završni probni rad.

Kada je u pitanju rad na terenu trenutno se vrši izmještanje dijela koridora dalekovoda, na kojima radi domaća firma „Comel“ d.o.o. Sarajevo. Krajem septembra počinju i prvi pripremni radovi za „udaranje kamena temeljca“, odnosno ulazak prvih mašina kojima će se vršiti nivelacija terena. Za nivelaciju terena potrebno je oko mjesec dana čime bi se stvorili uslovi za bušenje bušotina, uzimanje uzoraka na laboratorijsku analizu, te da se kroz Elaborat laboratorijskih analiza napravi konačna forma Projekta geotehničkog inženjstva. Analiza će pokazati sastav terena i preporučiti način temeljenja svih pojedinih objekata koji čine Termoelektranu.

Izgradnja ovog bloka među najvažnijim je projektima u BiH kojim će se udariti temelji modernog energetskog sektora u našoj zemlji.

POLUGODIŠNJI IZVJEŠTAJ SLUŽBE ZAŠTITE NA RADU

STANJE ZAŠTITE U RUDNIKU NA ZADOVOLJAVAJUĆEM NIVOU

Šestomjesečnim izvještajem Službe zaštite na radu utvrđeno je da se u Rudniku desilo 109 povreda, od čega 98 lakših, 10 težih, te nažalost jedna povreda sa smrtnim ishodom. Na osnovu evidentiranih povreda konstatovan je 4.261 izgubljeni radni dan.

U cilju smanjenja broja povreda i poboljšanja kvalitete zaštite na radu provedeno je niz aktivnosti. Radilo se na obuci i provjeri znanja zaposlenih, kao što je i do sada bila praksa, a vršeno je i redovno uzimanje uzorka prašine u jami i na Separaciji, kontrola ispravnosti protivpožarnih aparata, sistematski i ljekarski pregledi, kao i niz drugih postupaka kako bi se osigurala

adekvatna zaštita i sigurnost za 2.800 radnika Rudnika.

Pored Službe zaštite na radu kontrolu su provodili i nadležni inspekcijski organi koji nisu zabilježili značajnije odstupanje od propisanih normi. Imali su sitne zamjerke koje su dijelom otklonjene, a na nekima se još uvijek aktivno radi.

Nakon svih pokazatelja na dan 31.06.2016. godine utvrđeno je da stanje u svim pogonima Rudnika zadovoljava postavljene kriterije, ali i da se naporno radi na unaprijeđenju i primjenjivanju osnovnih pravila zaštite, koji su garancija zaštite na radu u jednoj od sigurno najtežih grana privrede.

POLUGODIŠNJI IZVJEŠTAJ O POSLOVANJU DRUŠTVA

NADZORNI ODBOR UPOZNAT SA REZULTATIMA RADA DRUŠTVA

Na 26. redovnoj sjednici Nadzornog odbora razmatrani su postignuti rezultati poslovanja u prvom dijelu 2016. godine.

Procenat od 97,96% ostvarenosti proizvodnje uglja sa prosječnom toplotnom vrijednosti od 16.480,62 kJ/kg i 110,02% realizacije otkrivke pokazatelji su da će se i u ovoj godini bilježiti rezultati koji su u rangu sa prethodnih dvanaest godina.

Određeni zastoj desio se samo na pripremnim prostorijama, koje su u odnosu na plan ostvarene sa 60,19%. Međutim, ukoliko sagledamo statistiku iz prethodne godine moguće je primjetiti znatno poboljšanje, odnosno 30% veći učinak pripremljenosti nego što je Izvještaj pokazao u istom periodu prethodne godine.

Na osnovu ovakvih rezultata na nivou Društva ostvareni su ukupni prihodi u

iznosu od 72.111.440 KM i ukupni rashodi u iznosu od 73.907.769 KM, što je rezultiralo negativnim rezultatom od 1.796.329 KM. Na ovakav rezultat veliki učinak prvenstveno je imala realizacija otkrivke koja je išla znatno iznad plana, ali i isplata za obeštećenja po sudskim presudama koje su skoro privedene kraju.

U prvih šest mjeseci bilo je i određene problematike koja se isključivo odnosila na plasman u maju i junu, te problem separisanja uglja tokom mjeseca juna.

Termoelektrani Tuzla kao najvećem potrošaču banovičkog uglja otpremljeno je 554.222,40 tona, što je za 7,62% više od planiranih količina.

Na dan 31. juni evidentirano je 2.798 zaposlenih radnika, koji su u posmatranom periodu ostvarili prosječnu platu u iznosu od 978,05 KM.

USVOJEN GRANSKI KOLEKTIVNI UGOVOR IZ OBLASTI RUDARSTVA

KOMPROMISNO RJEŠENJE SINDIKATA I VLADE FBiH

Početkom septembra dogovoren je i usvojen Granski kolektivni ugovor, jedan od najbitnijih akata iz oblasti rudarstva koji se odnosi na osam rudnika uglja i obuhvata oko 12.000 radnika. Kolektivni ugovor potpisan je na jednu godinu kako bi se moglo blagovremeno intervenisati u slučaju nepravilnosti u primjeni.

U Tuzli je održan i svečani sastanak na kome je predsjednik Samostalnog sindikata rudara FBiH Safer Mušanović Ugovor predstavio javnosti. Na sastanku su prisustvovali i predstavnici Vlade FBiH, premijer Tuzlanskog kantona Bego Gutić i predstavnici rudnika.

Nakon tri mjeseca pregovaranja oko najsitnijih detalja došlo se do zajedničkog zaključka i potpisivanja Ugovora dviju strana na zadovoljstvo kako Sindikata tako i Vlade FBiH. Nijednim segmentom nisu ugrožena prava radnika, naprotiv, naporno se radilo na njegovom unaprijeđenju. Zadržana su dosadašnja prava radnika, a postoje i stavke koje su dodatno poboljšane u odnosu na dosadašnji ugovor.



Jedan od ciljeva sindikata bio je zaštititi dostignuti nivo ličnih primanja u rudnicima što je i postignuto kad je riječ o minimalnoj neto satnici koja sada iznosi 2,40 KM, te naknadama za topli obrok, minuli rad, rad noću, prekovremeni rad, rad praznicima i rad u dane odmora. Topli obrok iznosi 10 KM i u tom segmentu nisu se desila najavljenja smanjenja. Ostavljeno je prostora za njegovo povećanje u zavisnosti od poslovanja preduzeća.

Predsjednik sindikata istakao je da je Granski kolektivni ugovor bolji od prethodnog, te da su se mjeseci pregovaranja na kraju isplatili. Naveo je da su dva sindikata radila kao jedan te očekuje da će primjenom ovog Ugovora rad u direktnoj proizvodnji biti dodatno poboljšan, što će osigurati bolje okolnosti za funkcionisanje rudarskog sektora.

Prava radnika detaljnije će biti definisana Pravilnikom preduzeća, koji se mora uskladiti u roku od 90 dana od dana stupanja na snagu Ugovora. Pravilnik ni u jednom segmentu ne može ići ispod minimalnih radničkih prava zagarantovanih Granskim kolektivnim ugovorom.



PRAVILNIK FONDA SOLIDARNOSTI RADNIKA RMU „BANOVIĆI“ D.D. BANOVIĆI I OPĆE ODREDBE

Član 1.

Fond solidarnosti radnika RMU „Banovići“ d.d. Banovići (u daljem tekstu Fond solidarnosti) je dobrovoljni fond za stipendiranje djece radnika RMU „Banovići“ d.d. Banovići članova Fonda solidarnosti.

Član 2.

Ovim pravilnikom se uređuju:

1. Ciljevi i zadaci Fonda solidarnosti
2. Upravljanje Fondom solidarnosti
3. Sredstva Fonda solidarnosti
4. Način raspodjele Fonda solidarnosti

II CILJEVI I ZADACI FONDA SOLIDARNOSTI

Član 3.

Cilj i zadatak osnivanja Fonda solidarnosti je prikupljanje novčanih sredstava za stipendiranje djece radnika RMU „Banovići“ d.d. Banovići članova Fonda solidarnosti.

III UPRAVLJANJE FONDOM SOLIDARNOSTI

Član 4.

Fondom solidarnosti upravlja upravni odbor Fonda koje imenuje Sindikalni odbor Sindikalne organizacije RMU „Banovići“ d.d. Banovići. Član upravnog odbora Fonda solidarnosti može biti samo radnik koji je član Fonda solidarnosti. Članovi upravnog odbora Fonda solidarnosti između sebe biraju predsjednika, zamjenika predsjednika i sekretara.

Član 5.

Upravni odbor Fonda solidarnosti djeluje i donosi odluke na sjednicama koje se održavaju po potrebi. Sjednice upravnog odbora Fonda solidarnosti saziva i njihovim radom rukovodi predsjednik upravnog odbora Fonda solidarnosti, a u njegovom odsustvu zamjenik predsjednika upravnog odbora. Upravni odbor Fonda solidarnosti djeluje i odluke donosi ako je na sjednici prisutna nadpolovična većina članova upravnog odbora Fonda solidarnosti. Odluke se donose nadpolovičnom većinom prisutnih članova upravnog odbora.

IV SREDSTVA FONDA SOLIDARNOSTI

Član 6.

Izvor sredstava Fonda solidarnosti su članarine i drugi izvori finansiranja (donacije i slično). Visina članarine je minimalo 1KM mjesečno, minimalno 12KM godišnje. Uplate će se vršiti mjesečno od neto plate radnika na poseban namjenski račun Fonda solidarnosti.

V NAČIN RASPODJELE SREDSTAVA

Član 7.

Zahtjev za dodjelu stipendija podnose djeca radnika RMU „Banovići“ d.d. Banovići članova Fonda solidarnosti koji su na redovnom ili vanrednom školovanju u srednjoj, višoj ili visokoj školi do navršenih 25 godina starosti. Pravo na dodjelu stipendija imaju djeca šehida, umrlih i poginulih radnika (bračno, vanbračno, usvojeno ili pastoče) kao i unuča bez roditelja koje radnik član Fonda solidarnosti izdržava.

Uz zahtjev pisan ili kucan se prilaže slijedeća dokumentacija:

1. Ovjereni potvrda školske ustanove o statusu (učenika, studenata)
2. Kopija rodnog lista

Član 8.

Prednost stipendiranja imaju djeca porodica šehida, te poginulih radnika.

Član 9.

Na osnovu podnesenog zahtjeva odbor Fonda solidarnosti donosi odluku o odobravanju sredstava u skladu sa finansijskim mogućnostima Fonda solidarnosti. Odluka o dodjeli sredstava može se donijeti kao jednokratna isplata sredstava ili povremena isplata sredstava.

Član 10.

Odobrena sredstava podnosiocu zahtjeva se uplaćuju na tekući račun podnosioca zahtjeva.

Član 11.

Upravni odbor Fonda solidarnosti dva puta godišnje podnosi izvještaj o svom radu Sindikalnoj organizaciji RMU „Banovići“ d.d. Banovići i to slijedećom dinamikom za prethodnu godinu ne kasnije od 14. februara, a za tekuću godinu prvih šest mjeseci ne kasnije od 14. jula tekuće godine.

Član 12.

Izmjene i dopune ovog pravilnika vrše se na način i po postupku utvrđenom za njegovo donošenje.

Član 13.

Ovaj pravilnik stupa na snagu danom donošenja.

SVEČANO OBILJEŽEN DAN OPĆINE BANOVIĆI

PREDSTAVLJENI REZULTATI JEDNOGODIŠNJEG RADA

Centralna proslava povodom obilježavanja 10. septembra, Dana općine Banovići, održana je dan prije u prostorijama Radničkog doma, gdje se uz mnogobrojne zvanice i goste prisjećalo na historiju našeg kraja koja seže od ilirske Gradine u Tulovićima i stečka Božićka Banovića u Banovići Selu, pa sve do 10. septembra 1995. kada je oslobođanjem područja Seone i Aljkovića definitivno oslobođena cijela teritorija naše općine.

- Ove godine navršena je 21 godina od kada je oslobođenjem mjesnih zajednica Seona i Aljkovića oslobođeno područje cijele naše općine, a stanovnicima ovih mjesnih zajednica omogućeno da se vrate na svoja ognjišta. Zbog toga je 10. septembar nesumnjivo najznačajniji datum iz novije historije koji je zaslužio da se pamti i obilježava, kazao je načelnik Midhat Husić u svom svečanom obraćanju povodom 21. godišnjice naše opštine. Ovom prilikom načelnik je podnio referat o svom radu i



radu organa lokalne samouprave i ukazao na činjenicu da je ostvarenje prihoda u općinskom budžetu u posljednjih nekoliko godina stabilno i u skladu sa projekcijom budžeta, čime je omogućeno uredno isplaćivanje tekućih obaveza, kao i planiranje i realizacija brojnih projekata.

- Uradilo se mnogo toga, mnogo truda je uloženo u izgradnju kako gradskog područja, tako i mjesnih zajednica, a o tome nam svjedoči preko 60 realizovanih infrastrukturnih projekata, kazao je načelnik Husić.

To je kao građanin općine Banovići, a onda i kao aktuelni premijer Tuzlanskog kantona potvrdio Bego Gutić.

- Ovo što je Načelnik kazao nisu samo riječi. Vidjeli smo i djela, imali smo priliku da vidimo nove kilometre asfalta, nove objekte, nove vodovode, nove kanalizacione mreže i novo cjelokupno okruženje. Svjedoci smo da Banovići danas nisu isti kao prošle godine i ja Načelniku na tome čestitam, kazao je Gutić.



Mirsad Kukić Počasni građanin Banovića

Na svečanosti organizovanoj povodom Dan Općine po prvi put je dodjeljeno najveće općinsko priznanje „Počasni građanin Banovića“. Za najveće pojedinačne zasluge, za razvoj i istrajnost u izgradnji i obezbjeđenju daljeg razvoja Rudnika i Banovića, za borbu za izgradnju projekata termoelektrane i cementare koji će novim generacija obezbijediti sigurniju budućnost u Banovićima, za opštu borbu i opšte dobro, Općinsko vijeće Banovići po prvi put je dodijelilo priznanje „Počasni građanin Banovića“ doktoru Mirsadu Kukiću, inače zastupniku u Federalnom parlamnetu, članu predsjedništva SDA BiH i predsjedniku KOSDA.





Puštena u funkciju tri nova infrastrukturna objekta

Neke od tih objekata povodom Dana Općine zajedno su pustili u promet načelnik Midhat Husić i federalni ministar raseljenih osoba i izbjeglica Edin Ramić. Riječ je o projektima rekonstrukcije i asfaltiranja puta u mjesnoj zajednici Brezovača u naselju Čatići ukupne dužine oko 800 metara, u mjesnoj zajednici Pribitkovići dionica Prokop dužine oko 500 metara te u mjesnoj zajednici Aljkovići izgradnja rezervoara od 100 kubika za potrebe boljeg vodosnadbjevanja stanovnika ove mjesne zajednice. Ova tri projekta realizovana su uz finansijsku podršku Ministarstva raseljenih osoba i izbjeglica FBiH koje je obezbijedilo jednu trećinu finansijskih sredstava.

„Saradnja sa Općinom Banovići je na jednom zavidnom nivou iz razloga što kada god Općina Banovići aplicira na naše javne pozive, ona obezbijedi značajno finansijsko učešće u projektima. Posjetom ovim mjesnim zajednicama još jednom smo se uvjerali da postoji potreba za nastavkom dobre saradnje i investiranja u uređenje prebivališta za porodice koje su bile pomjerene sa svojih ognjišta“, kazao je ministar Ramić dodajući da će nastaviti podržavati lokalne zajednice koje pokazuju interes za učešćem u projektima.

Za poboljšanje infratsrukture na području cijele opštine uloženo je blizu šest miliona konvertibilnih maraka sa značajnim učešćem viših nivoa vlasti, a u toku je implementacija još nekoliko značajnih projekata.

Napravljen najveći infrastrukturni poduhvat u posljednjih deset godina

Upravo načelnik Midhat Husić je taj koji je smogao snage i doveo do početka implementacije najvećeg infrastrukturnog projekta u posljednjih deset godina, projekta izgradnje kružnog toka koji će rasteretiti saobraćaj u našem gradu i povećati prohodnost puteva prema mjesnim zajednicama i susjednim općinama. Pored ovog projekta u toku su radovi na izgradnji treće faze Trga žrtava Srebrenice kojim se nastavlja uređenje gradske šetnice. Projektom će se urediti novih hiljadu metara gradske površine čime će se vizuelni izgled gradske jezgre značajno poboljšati. Gradska jezgra će biti ekološki privatljivija nakon što se završe radovi na nedavno započetom projektu regulacije takozvanog Radinskog potoka kojim će se urediti 325 metara potoka od gradskog parka do mosta u ulici 119. Mbbr. Ovaj projekat zajedno sa izgradnjom kružnog toka i uređenjem gradske šetnice će pored ekološki prihvatljivih rješenja doprinijeti i ljepšem vizuelnom izgledu centra grada, te će zaokružiti proces infrastrukturnih ulaganja predviđenih za ovu godinu.





VOĐEĆI RUDNIK U BOSNI I HERCEGOVINI RMU „Banovići“ d.d. Banovići

Rudnik „Banovići“ je respektabilna firma koja dugi niz godina ostvaruje pozitivne poslovne rezultate i zapošljava nove radnike uz jasnu viziju budućeg napretka. I pored svih teškoća tokom godina postojanja Rudnik je kotirao visoko na tržištu, a kulminaciju svog rada i razvoja doživljava 2004. godine kada zvanično postaje dioničko društvo. U to vrijeme tim sposobnih ljudi preuzima kormilo, te pravi rezultate vrijedne pomena:



- 12 godina pozitivnog poslovanja
- 35 miliona KM finansijske dobiti
- 140 miliona KM realizovanih investicija
- 18.138.150 tona separisanog uglja i 123.451.702 metara kubnih otkrivke
- Modernizacija Podzemne i Površinske eksploatacije uglja

Investiranje u budućnost

Uspješno poslovanje logičan je slijed velikih iskoraka naprijed. Stvoreno je pogodno tlo za realizaciju najvećih projekata u FBiH, odnosno izgradnju Termoelektrane u Banovićima. Projekat vrijedan milijardu konvertibilnih maraka u izgradnju kreće već ove godine potpisivanjem konačnog ugovora sa Strateškim partnerom. Neke od ključnih stvari su već poznate i dogovorene:

- Izvođač radova Dongfang Electric Corporation Limited iz Kine
- Potpuna podrška Parlamenta i Vlade FBiH
- Završni pregovori za finansiranje 85% vrijednosti projekta (Industrial and Commercial Bank iz Kine), kao i za ugovor o preostalim 15% vrijednosti (Konzorcij domaćih banaka na čelu sa Unicredit bankom)
- Izmještanje dalekovoda na prostoru namjenjenom za Termoelektranu, na kojem će se do kraja septembra raditi nivelacija terena

Sigurnost novih generacija

Obzirom da će početak gradnje Termoelektrane napraviti prekretnicu u razvoju Rudnika pa i Općine, neophodno je isplanirati svaki slijedeći korak. U narednom periodu planiran je:

- Početak gradnje termoelektrane i puštanje u rad 2021. godine
- Pokretanje aktivnosti na izgradnji cementare u Banovićima
- Pokretanje aktivnosti na izgradnji kamenoloma u Banovićima
- Ugradnja transportnog sistema na površinski kop „Turija“
- Povećanje proizvodnje uglja i otkrivke
- Modernizacija „Podzemne eksploatacije uglja“ – nabavka još jednog širokog mehanizovanog čela
- Nabavka novih bagera i kamiona

Za potrebe Termoelektrane Banovići kao i šire potrošnje osim povećanja proizvodnje uglja i otkrivke iskazat će se potreba i za većim brojem uposlenih, što govori da će u narednom periodu biti znatno više radnih mjesta, te da je ovaj projekat dobrobit ne samo za lokalnu zajednicu nego i znato šire okruženje.

RUDAR informativna novina radnika
RMU "Banovići" d.d. Banovići



www.rmub.ba

Uređuje redakcioni odbor:
Samir Numanović, predsjednik
Amela Kantić, urednica
Melisa Čaušević, novinara-saradnik
Fertik Glibanović
Amir Halilčević
Salko Gutić
Rasim Užičanin
Šehval Lapandić

DTP i štampa: "OFF SET" Tuzla
Riješenjem Republičkog komiteta
za informacije broj 04-651-537/77
od 6.9.1977.
List je uveden u Registar štampe R BiH.

E-mail: kontakt@rumb.ba
nadzorni.odbor@rumb.ba



Ponuda



NLB



NLB



Gotovinski i zamjenski krediti za 24 sata!

IZNOS KREDITA	DO 60.000 KM
NOMINALNA I EFEKTIVNA KAMATNA STOPA I ROK	4,99 % fiksna - do 1 godine (EKS 7,21%) 5,69 %-6,19 %, promjenjiva - do 3 godine (EKS 5,93%-7,55%) 6,19 %-6,69 %, promjenjiva - do 5 godina (EKS 6,45%-7,66%) 6,69 %-6,99 %, promjenjiva - do 10 godina (EKS 6,97%-7,66%) 7,49 %-7,69 %, promjenjiva - do 12 godina (EKS 7,82%-8,36%)
NAKNADA ZA OBRADU KREDITNOG ZAHTJEVA	1 % min 20 KM - kratkoročni 1,5 % min 40 KM - dugoročni 0 % - za nove klijente koji prenesu redovna mjesečna primanja na Banku
NAKNADA ZA VOĐENJE KREDITNOG RAČUNA	2 KM mjesečno - uključena u mjesečni anuitet
INSTRUMENTI OBEZBJEĐENJA	do 30.000 KM: lična mjenica korisnika kredita do 60.000 KM: 1 sudužnik ili hipoteka 1 : 1, ili drugi za Banku prihvatljiv instrument obezbjeđenja

NLB



Hipotekarni krediti!

IZNOS KREDITA	Od 60.000 KM do iznosa kreditne sposobnosti dužnika
NOMINALNA I EFEKTIVNA KAMATNA STOPA	6,19 % promjenjiva (EKS 6,65 %)
ROK OTPLATE	Do 20 godina
NAKNADA ZA OBRADU KREDITNOG ZAHTJEVA	1,5 % max 1.500 KM
NAKNADA ZA VOĐENJE KREDITNOG RAČUNA	1 KM mjesečno - uključena u mjesečni anuitet
INSTRUMENTI OBEZBJEĐENJA	Hipoteka 1:1,5 i lična mjenica korisnika kredita

NLB



Stambeni krediti NLB Banke

Budžetski korisnici
STAMBENI KREDIT PO VAŠOJ MJERI



Bez jemeraca



Bez naknade za obradu kredita ukoliko primanja prenesete na NLB Banku



Bez odlaganja

NLB Banke

Najbrže do kredita!

Nova akcija NLB Banke

Uz povoljne kamatne stope i duže rokove otplate, sa nama možete najbrže doći do potrebnih finansijskih sredstava, jer Vaš kredit do 60.000 KM može biti odobren u roku od 24 sata!

Stambeni krediti NLB Banke

IZNOS KREDITA	OD 10.000 KM DO 200.000 KM
NOMINALNA I EFEKTIVNA KAMATNA STOPA I ROK	5,49 % (EKS 5,75 %)
za korisnike koji ne ostvaruju redovna primanja posredstvom Banke	5,99 % promjenjiva (EKS 6,28 %)
ROK	do 25 godina
NAKNADA ZA OBRADU KREDITNOG ZAHTJEVA	1,0 % - max 1.500 KM - za klijente koji primanja ostvaruju putem Banke 1,5 % - max 1.500 KM - za klijente koji primanja ne ostvaruju putem Banke 0 % - za nove klijente koji će preneti primanja u Banku
NAKNADA ZA VOĐENJE KREDITNOG RAČUNA	1 KM mjesečno - uključena u iznos mjesečnog anuiteta
INSTRUMENTI OBEZBJEĐENJA (hipoteka se može dati i na nekretninu koja je predmet kupovine)	do 30.000 KM do 12 god.- mjenica do 60.000 KM do 12 god.: 1 sudužnik ili hipoteka 1:1, ili preko 60.000 KM do 25 god., ili za rok preko 12 god. (bez obzira na iznos); hipoteka 1:1, ili drugi za Banku prihvatljiv instrument obezbjeđenja

NLB



Stambeni krediti sa fiksnom kamatnom stopom

Uskoro do 15 GODINA!

IZNOS KREDITA	od 10.000 KM do 195.000 KM
NOMINALNA KAMATNA STOPA	5,49 % fiksna - za klijente koji primanja ostvaruju posredstvom Banke 5,99 % fiksna - za klijente koji primanja ne ostvaruju posredstvom Banke
EFEKTIVNA KAMATNA STOPA	6,04 % - 6,69 %
ROK	do 10 godina
NAKNADA ZA OBRADU KREDITNOG ZAHTJEVA	1,5 % - za klijente koji primanja ostvaruju putem Banke 2 % - za klijente koji primanja ne ostvaruju putem Banke
NAKNADA ZA VOĐENJE KREDITNOG RAČUNA	1 KM mjesečno - uključena u mjesečni anuitet
INSTRUMENTI OBEZBJEĐENJA	preko 50.000 KM lična mjenica korisnika kredita i hipoteka 1:1 ili drugi za Banku prihvatljiv instrument obezbjeđenja

NLB



Kartice NLB Banke



Internacionalna kartica



Sigurno korištenje na POS terminalima i bankomatima



Veliki broj prihvatljivih mjesta u zemlji i inostranstvu

